

V g
1245-




**Widder die vermeinte
gewalt / vnd Primat des Bab-
sts / zu dieser zeit / da die gantze welt sich beslei-
set / den ausgetriebenen Antichrist / wid-
derumb in den tempel Christi zu se-
tzen / nützlich zu lesen.**

Durch

Matth. Flacium Illyr.

2. Thessa. 2.

Der tag des H^{errn} kömpt nicht / es sey denn das zu
vor der abfall kome / vnd offenbaret werde der mensch
der sunden vñ das kind des verterbens / der da ist ein wid-
derwertiger / vnd sich vberhebet vber alles das Gott / oder
Gottesdienst heisset / Also / das er sitzt im den Tempel Got-
tes / als ein Gott / vnd gibt sich für / er sey Gott. Wel-
chen der H^{err} vmbbringen wird / mit dem Geist seines
mundes / vnd wird sein ein ende machen / durch die erschei-
nung seiner zukunfft / des / welches zukunfft geschicht nach
der wirkung des Satans / mit allerley lügenhafftigen
kressen / vnd zeichen vnd wundern / vnd mit allerley verfüh-
rung zur vngerechtigkeit / vnter denen / die verlore werden /
Dafür / das sie die liebe zur warheit nicht haben angeno-
men / das sie selig werdē / Darumb wird ihnen Gott kress-
tige irthum senden / das sie glauben der lügen / auff das
gerichtet werden alle / die der warheit nicht glau-
ben / sonder haben lust an der vngerechtigkeit.



Handwritten text at the top of the page, likely a title or header, appearing as a mirror image.

Handwritten text in the upper middle section, appearing as a mirror image.

Handwritten text in the middle section, appearing as a mirror image.

Handwritten text in the lower middle section, appearing as a mirror image.

Handwritten text in the lower middle section, appearing as a mirror image.

Main body of handwritten text, appearing as a mirror image.





Dr 1130. jaren ist gehalten wor
die ein Concilium zu Carthago
in Africa/in welchem beynander
gewest sein 217. Bischoffe / vns
ter welchen auch der heilige Aus
gustinus gewesen ist. Von dem
selbigen Concilio hat der Papsst durch seine Les
gaten vnd brieffe begert/ das doch den Priestern
nachgelassen würde/von dannen zu ihm zu ap
pellieren.

Item/das er möchte einen von seinen nech
sten Ketten dahin senden/der die sache alda verhö
rete/vnd dieselbigen ihm anzeigete. In summa/
Er hat auch gewolt/das ihm vollentömlich die
Jurisdiction vber die kirchen inn Africa gegeben
würde. Vnd das ihm dieselbige von rechts wes
gen zugehörete/hat er vorgewand/das es also in
dem Nicana Synodo beschlossen were/ Dat als
so ein crimen falsi begangen/vnd ist mit lügē vmb
gangen.

Auff dieselbige bitt hat ihm zum ersten mal
das Concilium sampt andern mehr diese ant
wort gegeben. Das solches nicht inn den ges
brenchlichen texten der Decret desselbigē Nicane
Synodi gelesen würde/ Derhalben haben sie bez
gert das man mit der sache also lange verziehen
wolte/bis das man die rechten bewerten exem
plaria/von Constantinopel/Antiochien vñ Alex
andria vberkeme. Do mann nu dieselbigen exem
plaria hat vberkommen / ist des Papsstes betrug
offenbar vnd refutirt wordē. Darnach in der an
dern antwort/ haben sie dem Papsst mit einem

A ij

Christe

27
Christlichen vnd beständigen brieffe die bitt gantz
abgeschlagen / vnd gesagt / das solches in den
rechten bewerten exemplaribus nicht erfunden
würde / wie er alda angezogen. Vnd das es auch
vnbillich were / das die andern Kirchen dem Babst
soltten vnterworffen sein / dieweil Christus auch
bey ihnen durch seine gnade ist. Aber ich wil den
selbigen ort / aus der Epistel des Synodi mit her
zu setzen.

Die decreta Nicæna haben die geringe Priester
schafft vnd die Bischoffe ihre ertzbischoffen
öffentlich befohlen. Denn sie haben / für weis
lich vnd billich angesehen / das alle sachen / an den
örtern sollen vertragen werden / da sie sich hetten
zugetragen. Vnd das der gnade des heiligen
Geistes keiner landschafft mangeln würde mit
welcher die billigkeit von den Priestern Christi
klüglich ersehen vnd auff das beständigste ge
halten werde / Sonderlich weil auch einem ig
lichen / so er beleydiget wird in einem vrteil der
Rechtē / zu den Concilien seiner prouincien / oder
auch zu dem vniuersal zu appellirn zugelassen
ist. Es sey denn sache das jemand were / der da
meinete / das einem iglichen (nemlich Papste)
vnser Herr Gott einblase / den verstand recht zu
vrteilen / vnd denselbigen den vnzelichen priestern
so in einem Concilio versamelet sein / entziehe. Ob
der wie kan das vrteil / so auff jenseit des Meers
geschicht recht sein? Zu welchem die Personen
der zeugen / so dabey sein müssen / entweder dar
umb / das sie weiber sind / oder vmb des alters
oder

oder schwachheit willē/oder sonst auch anderer zu
fallender verhinderunge halben/da nicht können
hingebracht werden. Denn das etliche/als deis
ner heiligkeit nechste Xetbe sollen hier gesandt wer
den die sache zu erforschen / wird in keinem Con
cilio der Väter beschloffen/Denn dasselbige wel
ches Ihr vns vor langer zeit bey vnserm Bischo
fe Faustino/als ein teil des Nicæni Concilij / von
dannen herüber geschickt habet / können wir ni
cht in den Exemplaribus/so aus den rechten be
werten Exemplaren / welche mann empfangen
hat/von dem heiligen Cyrillo/vnserm Mitbisch
offe der Kirchen zu Alexandria vnd von dem Ehr
würdigen Attico dem fürsther zu Constantino
pel/zu vns geschicket sein/welche auch für dieser
zeit / durch Innocentium Presbyterun vnd Marcel
lum Subdiaconum (bey welchen sie auch vns / von
ihnen gesand) Ewrem vorsehen Bonifacio / von
vns gesand sein/ finden.

Ihr solt auch ewre Executores / nicht einem
jerman der es begert / schicken. Ihr solt nicht
zugeben das wie ein reichlich ebenbild der welt/
in die Kirchen Christi (welche das liecht der ein
falt/vnd den tag der demut/denen die Gott bege
ren zusehen/fürsettel) einzuführen geachtet wer
den. Hactenus synodus.

WAn helts für ein gros bubenstück/vnd auch
nicht vnbillich / das laster der vnwarheit/
Auch wenn es begangen wird von einem in welt
lichen dingen für einem einzelnen Richter. Dar
umb lieber Leser nimbs zu hertzen / was für ein
bubena

Phubenstück es gewesen sey/dieweil dasselbige/ der
vermeinte statthalter Christi in der sachen der Kir-
chen/vnd im schreiben zu solcher grossen versam-
lung begangen hat: vnd hat also mit einer lü-
gen/so viel kirchen vnd Bischoffe vnter seine Tyr-
ranney bringen wollen. Gedencck auch/so für 1130
jaren solche ehrgeitzige/vnbilliche verfelscher der
Bücher vnd Synodorum die Bepste gewesen sein/
wie viel(dieweil ihre schalckheit noch immer zu-
genommen hat)der Gottslesterung vnd vngerech-
tigkeit/durch ihre Decret/ Decretales extrauagantes
gar vngemes/Centones,so mancherley satzungen
vnd Bullen vnd Tausenterley heimliche practiken
sie vns in die kirche habē einfüren können. So du
nu das fleissig betrachtest / wirstu leichtlich ver-
stehen/das auch gar ein geringes ansehen haben
sollen bey den Gottfürchtigen die donationes Con-
stantini vnd dergleichen viel. Welcher doch etliche
(on allen zweiffel)falsch / auch aus guten scri-
benten/Tyranny/ oder die Bepstliche Gottsles-
terung zu bestetigen/angezogen werde n. Eben
also ist auch die lange Epistel Clementis ad Iacobum
Iustum des Herrn bruder/den Bischoff zu Jeru-
salem/von dem tod Petri vnd von seiner einsatz-
unge/vnd von vielen andern vnnützen dingē/vnd
auch etliche andere schriffte mehr. Denn es ist zu
beweren aus dem Platyna vnd andern Distoti-
schreibern / das Iacobus des Herrn bruder mit
dem zunamen Justus/am siebenden jar des Kei-
sers Neronis ist getödtet worden / sieben jar für
dem tod Petri/welcher am vierzehenden jar Ne-
ronis

ronis getödtet ist. O ihr Papisten/ihr lügner vnd
gantz vnbedachtsame. Desselbigen geschmeiffes
sind auch der Apostel Canones.

Vnd alle dieselbigen triegereien vnd rücke/
(wie sie denn das obgemelte Concilium nennet)
welche der Gottlos betrug vnd Tyranny des
Bapsts in die Kirchen eingefüret hat/mus jtz der
heilige Geist vnd die Kirche/nach dem vnnerschöp
ten lügenmaul vnser Papisten/anfenger vnd er
finder sein. Jtz zu vnser zeit streiten die grossen
Monarchen sehr hefftig vmb die erwelung des
Babsts/weil ein iglicher den gerne zum Babst
hette/der seiner gewalt vnd beger zu dienen bereit
were. Es vberwinde nu ein teil das ander auff
welcherley weise es geschehen mag / vnd es sey
gleich wer da wolle/der endlich die dreifeltig Fron
empfangen/wiewol er ein Gottloser mensch / ein
Sodomit vnd bösewicht ist / so mus doch kein
zweiffel daran sein/das der heilige Geist denselbi
gen fromen man/der Kirche furgesetzt hat. Vnd
hat ihn auch also gantz vnd gar besessen / das er
in keinerley weg irren möge. Denn nach dem
spruch der Canonisten / entweder nimpt / oder
macht der Römische stul heilige frome leute. Wer
das nicht gleubet / der ist ein Lutherischer Ketzer
vnd verzweiffelter bube.

Ja also sein sie nun lenger denn 1000. jar
damit vmbgangen. Denn schier für 1200. jaren
hat der Bapst Damasus/nicht allein durch er
welung/sonder auch durch gros blutnergissen
das Bapstum widder den Ursinum erhalten.

Vnd

6
Vnd also entweder / durch gewalt / oder durch
gelt / oder durch mancherley betrug / sein die aller-
heiligsten jrdischen Götter zu dem aller heiligsten
stul gekommen.

Derhalben / dieweil der Römische Antichrist
mit solchen künsten solch eine lange zeit gestaffi-
ret gewesen ist / vnd die einfalt der Kirchen ange-
fochten hat / ist's kein wunder (vornemlich die-
weil das Gott vmb vnser sünde willen / wie es
vom Daniel lange zuuor geweiffaget ist / dazu
durch die finger sibet) das er so sehr in der Christ-
lichen Kirche zugenomen / vnd auch aller mensche
hertzen gefangen vnd ihm vnterthenig gemacht
hat / Das es sich auch itzt also lesset ansehen /
gleich als were er von Gott selbs / durch seine ei-
gen hand in den stul gesetzt.

Diesen Antichrist / der im tempel Gottes sizet /
vnd alle heilige ding verkenuffet vñ verunreiniget /
vnd aus der Kirchen Gottes eine rechte mörder-
grube machet / hat der Herr Christus mit der
geißel seines worts aus dem tempel getrieben.
Dieweil aber nun viel denselbigen widerumb ein-
zusetzen begeren / vnd ihm nicht wenig thüre vnd
fenster auffthun vnd die bane bereiten / müssen
wir / wiewol kleine vnmündige Kinder vnd feug-
linge / mit auffnemung vnfers Königs / den
Herrn Ihesum Christum / den Son David / vnd
sein Reich mit frolocken preisen / den hellischen
Wolff von des Herrn herde abschrecken vnd (so
viel möglich ist) veriagen.

Der Herr Ihesus kan durch das stammern
der

7
Der vnmündigen vnd seuglingen seine Krafft meh-
ren vnd bestettigen / durch solche schwachheit pfler-
ger seine Krafft am meisten zuwachssen vnd gros
werden. Dieser vrsach halben / habe ich eine alte
schriffte sampt einer vnsern wider den Bapst las-
sen ausgehen.

Das vnser wird in drey vornemliche stücke ge-
teilt. Im ersten wil ich mit Christus hülffe be-
weisen / das Petrus nicht die oberste gewalt gehabt
habe in der Kirchen / oder auch sonst eine gewalt
vber die andern Aposteln / viel weniger beiderley ge-
walt oder schwerd vber die gantze Welt.

Im andern wil ich beweren / das / wenn
gleich Petrus die oberste gewalt hette gehabt / so het-
te sie doch der Bapst darumb nicht.

Im letzten will ich beweisen / das es vnmüg-
lich vnd der Kirchen nicht nütze were / das nur ei-
ner der oberste Bischof sey.

Das aber Petrus nicht die oberste gewalt in
der Kirchen gehabt habe / vnd nicht ein Bischof
vber die gantze Kirche gewesen ist / wil ich bewei-
sen mit den nachfolgenden vrsachen / vnter welch-
en die erste ist / Denn Paulus zeigt klerlich etliche
mal an in der Epistel zu den Galatern / das er
sey ein Apostel der Heiden / Petrus aber der Jü-
den / vnd das sein Apostelampt vnter den vnbes-
chnittenen sey. Dis sind seine wort in andern
Capittel.

Da sie sahen / das mir vertrauet war das
Euangelium an die vorhaut / gleich wie Petro

B

das

Das Euangelium an die beschneidung / denn der
mit Petro krefftig ist gewesen zum Apostelampe
vnter die beschneidung / der ist mit mir auch krefftig
gewesen vnter die Weidē. Die zeigt er klerlich an /
das ihm von Gott befohlen sey / das ampt zu
predigen das Euangelium vnter den Weiden / Pe-
tro aber vnter den Jüden / vnd das er ein Apostel
der Weiden sey / Petrus aber der Jüden.

Aus diesem kan man auch leichtlich verstehē wie
weit sich die indefinita Johannis am letzten Ca-
pittel / Petre weide meine schafe / erstreckt. Denn es
ist fürwar vnmüglich gewesen dem Petro alle
Schafe Christi zuweiden / Vnd ein wenig dar-
nach sagt Paulus weiter / Jacobus Cephas vnd
Johannes die fur sewlen angesehen waren / ga-
ben mir vnd Barnabe die hende / vnd vereinigten
sich mit vns / das wir vnter die Weiden / sie aber
vnter die beschneidung predigten. Die wird auch
hinzu gesetzt zu Gottes befelb / die Weiligste vnd
krefftigste vertracht vnd darreichung der Wende /
das einer der Jüden / der ander der Weiden Apo-
stel sein soll. Dis alles zeigt fürwar / on al-
len zweifel an / das Petrus nicht der oberste in der
allgemeinen Kirchen sey. Denn so ihn Christus
zum heupte vber die gantze Kirche gesetzt hette /
lieber wie hette er selber / oder S. Paulus seinen
befelb enger ein spannen dürffen / vnd dasselbige
mit so einem Ernstlichen vertrachte. Aber droben
hat Paulus klerlich bezeuget / das Petro von
Gott so weit ist befohlen / das er der Jüden apostel
sein soll. Also verstehen wir aus diesen sprüchen
Pauli /

9.
Pauli/das Petrus durch Göttlichen vnd menschlichen befehl/ein particularis oder nur eins Volcks/ vnd nicht ein uniuersalis oder aller Völcker Bischof gesetzt sey. Das hebet aber die gewalt vnd vnterscheid des Ampts / nicht auff/ das zu zeiten Paulus nach gelegenheit der zeit/den Juden/ vnd Petrus den Heiden gepredigt hat. denn wir Disputiren hie von der gewalt vnd nicht von der that.

Nun aber/dieweil Petrus der Juden vnd nicht der Heiden Apostel ist / was gehet vns denn sein Apostelamt an/ die wir von den Heiden bekeret sind? viel weniger aber hette der Bapst/wenn er gleich sein successor were / Gewalt vber die Kirchen/ so von den Heiden bekeret sind. Die mag man auch wol hinzuthun/ das auch in den Kirchengesungen/Paulus/vnd nicht Petrus/ein Apostel der Heiden gesungen wird. Darumb so hat Petrus die oberste gewalt nicht gehabt vber alle Kirchen/ darzu auch nicht beide schwerter/ viel weniger hat sie der Bapst/welcher sich felschlich seinen Stathalter nennet.

Die ander ist/ Dieweil Christus etliche mal den Aposteln/da sie sich zankten / welcher doch vnter ihnen der oberste sein solte / verboten hat ihnen zu herschen vnd regieren/Denn er spricht also/Die Könige der Heiden herschen vber sie /ihr aber nicht also. Er wil auch nicht allein das sie nicht regieren sollen / sonder auch das sie dienen vnd vnterthenig sein sollen/da er spricht/Welcher er dawill vnter euch der gröste sein/der sol der kleinsten sein. Vnd stellet sich selbs ihnen vor zum

B ij Exem

10
exempel welcher nicht gekommen ist auff erden/
das ihm ander Leute dienen sollen / sonder das er
den andern diene / vnd dasselbige mit dem höchsten
vnd schwerlichsten dienste / vnd saget gantzlich
nein darzu / da er zu einem Richter gesetzet sey.

Mit dieser meinung stimmt auch vberlein
die lehr Pauli in der I. Epistel zum Corinthern
am III. vnd IIII. Capittel / der da spricht / das
Petrus vnd Paulus vnd alle andere Aposteln / der
Kirchen / vnd nicht die Kirche ihr sey. Das sie nur
Diener sein des Euangelij Christi / durch welcher
er predigen die leute zu Christo bekeret werden / Also
lehret auch Petrus im IIII. Capittel in der
ersten Epistel / nicht als herrscher / Sonder werdet
furbilde den friede. Darumb so hat Christus
den Petrum nicht gesetzet zum Herren vber die
Kirche vnd alle Christen / viel weniger den Römischen
Antichrist / dem da alle Christen müssen
gehorsam sein / bey verlieringen der ewigen sel-
ligkeit .

Die dritte. Diereil nu Petrus one allen
zweinel sein Ampt / welches ihm von Christo befo-
len ist / recht vnd vollenkömlich ausgerichtet hat /
denn er ist ein getrewer / vnd guter Diener Christi
gewesen / vnd hat die Schafe recht geweidet /
so ist itzt offenbar / das er auch nicht begert hat
zu herschen / vber die Aposteln / sondern das
er sich gleich geachtet hat den andern Pfarr-
herrn. Viel weniger / hat er sich vnterstanden zu ge-
brauchen das schwert vnd Weltliche Regiment /
vnd

vnd das ihm die Könige vnd Keiser vnterworffen
weren (wie der Bapst thut) haben wollen. Er hat
aber viel mehr allē Christen geboten / das sie Ihrer
öbrißkeit vntertan sein sollen. I. Petri II.

So nun Petrus / volckömlich seines Ampts
gewartet hat / vñ doch nicht vber die andern Apo-
steln geherschet hat / auch nicht das weltliche Re-
giment zu sich hat gerissen / mus auch daraus er-
folgē / das dieselbige stücke nicht habē gehört zum
Ampt Petri. Derhalben soll der erdichte Stat-
halter Petri ihm solche gewalt viel weniger zu-
schreiben / vnd beide regiment / als ein Kenber zu
sich reissen.

Die vierde. Denn so Petrus die oberste gewalt
von Christo gehabt hette / so hette sich Paulus
nimmermehr ihm gleich geachtet / wie er denn
thut in der Epistel an die Galat. vnd Corinthern.

Den Paulus ist nicht so ehrgeitzig gewesen /
das er die würde vnd gewalt / einem andern von
Gott gegeben / auff das er ein grösser ansehen
hette / verkleinern wolte.

Die fünffte. Der Bapst wil / das es zur
Seelen heil von nöten sey zuglauben / das er die
höchste gewalt habe vber alle Geistliche vnd
weltliche Regenten. So ist jtz kein zweuel / vor-
nemlich / dieweil der Apostel Paulus so viel / auch
von den aller geringsten tugenden vnd Personen
in der Kirchen lehret / on allen zweiffel auch etwas
von dem Bapsthum geleret hette / so es so ein
nötig ding zur seelen seligkeit / wie es sein sol nach
des Antichrists wortē / were. Fürwar dieweil Pau-
lus

72
lus so offt von seinem/Petri/vnd der andern Apo-
steln berufft saget/hette er auch von des Petri ober-
ster gewalt etwas sagen müssen/wen zu derselbis-
gen zeit des Petri oberste gewalt ihm bekant/vnd
in der welt gewesen were.

Die sechste/in der Apostel geschicht am ach-
ten Capittel stehet geschriebē/wie das die Aposteln
Johannem vnd Petrum gesant haben gen Sas-
marien. Nu sendet ja der vnterste nicht den ober-
ste/aber das widerspiel geschicht wol. Daraus er-
folget/das Petrus nicht sey ein Herr gewesen
vber alle Aposteln/sonder einem jeden Apostel
gleich/aber geringer den die Gantze versammlung.
Vnd es gilt hie nicht das D. Eck geckt/ein Rath
pflegt gemeinlich die besten aus ihnen zu senden.
denn es sendet gewislich kein Rath nurgent hin sei-
nen Fürsten/König oder Keyser.

Die Siebende. Das musz mann aber für-
nemlich mercken / das / nach dem Christus zu
Petro gesagt hatte/du bist Petrus etc. (da die Pa-
pisten wollen/das Petro die oberste gewalt gege-
ben sey)sich offt ein zweiffel vnd zank vnter den
Aposteln von der hoheit / erregt hat/welcher doch
nachmals vnter ihnen der oberster sein solte/
wie ein mal Luce am 22. in dem letzten nachts-
mal/welcher zweifel vnd zank sich warlich nis-
cht zugetragen hette/so Christus ein mal/vber die
andern alle sampt einē hette.zum heupte gemacht.
Darzu hette Christus ihnen antworten können/
das er nu bereit ein mal den Petrum vber sie alle
gesetzt hette zum heupte/Vnd das ihm die an-
dern

137
dern allesampt gehorsam sein solten / vnd nicht
mehr von der sache / von ihm gantzlichen beschlo-
ssen / gezencke treiben. Aber in demselbigen ortte
Luce xxij. antwortet er das widderpiel / das kei-
ner dem andern sollte fürgezogen werde / Sondern
allesampt sich vnternander vnd alle andern Chris-
sten williglich dienen. Ich will aber auch die wort
der Euangelisten herzu schreibē / welche also lau-
ten / Es erhüb sich auch ein zancck vnter ihnen /
welcher vnter ihnen gehalten würde / das er der
grösseste sey / Er aber sprach zu ihnen / die welt-
liche Könige herschen / ihr aber nicht also / son-
der der grösseste vnter euch / soll sein wie der jün-
gste / vnd der fürnembste wie der diener. Denn wel-
cher ist der grösseste? der zu tisch sitzt / oder der da
dienet? ist's nicht also / das / der zu tisch sitzt? Aber
ich bin vnter euch wie ein diener.

Aus diesem ist es ja offenbar / das für dem
leiden Christi / dem Petro die oberste gewalt nicht
gegeben sey / das auch Christus mit nichte gewolt
hat / das da solte ein oberster gesetzt werden vnter
den Aposteln / vnd das er auch gantzlichē die chr-
geitzigkeit des Antichrists verworffen habe.

Zu achtē sagt Christus zu seinē Jüngern / Gleich
wie mich mein Vater gesand hat / also sende ich
euch auch. Es ist aber gewislich war / das Chris-
tus nicht vom Vater gesand ist / das er einsetze die
Reiche vnd Regiment / vnd das er auch das welt-
liche schwert nich gehabt habe. Denn er sagt das
sein Reich nicht von dieser welt sey / das er auch
nicht hie zu einem Richter gesetzt sey. Derhalben
soll

soll keiner von den Aposteln oder statthaltern Christi/sich ein solches zuthun vnterstehen / das Christo selbs/von seinem Vater nicht ist befohlen gewesen zuthun.

9. Was den ort Matth. am xvi. belanget/Du bist Petrus / vnd auff diesen fels etc. on allen zweiffel ist die warhafftigste auslegung / wie ihn denn Paulus vnd Augustinus / an vielen orten/ Hieronymus/Lyra vber diesen spruch/Esaias vñ Petrus selbs auslegen. Welche da sagen/der fels war Christus/Denn auff Christum der da ist ein starcker fels/vnd nicht auff Petrum/ ist die kirche gebawet/welcher auch nach der himelfart Christi/noch gar schedlich gewanckt hat. Vnd eben in demselbigen xvi. Capittel Matthei/ein wenig hernach/ist er ein Satan gescholten worden.

Es kan kein ander fundament des bawes der kirchen gelegt werden/wie der heilig Geist zeuget / on Christum. Warumb machen denn die Gottlose verführer ihre Antichristos zur grundfest der kirchen/an Christus stat? Sie regieren sich selbs/vnd ihr haus nicht Gottseliglich / wie solten denn dieselbigen gesellen / die kirchen Gottes Gottseliglich regieren?

Ich will hie herzu setzen den ort aus dem Lyra / welches wort diese sind /Vnd auff diesen fels/das ist Christum / vnd ein wenig darnach/ Aus welchem beweret wird/das die kirche nicht bestehet in den menschen /weder vmb der gewalt / noch vmb der geistlichen/ noch weltlichen würde willen. Denn es sein viel fürstē/Bepste vnd andere
re ge

re geringe leute abtrünnig geworden vom glaubē/
darnumb so bestehet die in der personen/ welche da
habē die ware erkenntnisse vnd bekētnisse des glau
bens vnd der warheit / Bis hieher Lyra. Das
aber hernach folget an dem selbigen orte/ Ich
wil dir die Schlüssel geben / das deuten die Veter
recht/das es gesagt wird zu Petro/ als zu einem
der da stehet an stat aller Aposteln/Welches man
auch darans ermessen kan/ das die gewalt der
schlüssel hie verheischen/ allen Aposteln zugleich
nach der aufferstehung Joannis am .xx. vberge
ben wird.

Das Aunder Teil.

DIs sey also genug gesagt von der proposition
nemlich / das Petrus nicht habe vber die
andern Aposteln/vnd vber die andern kirchē
gewalt gehabt. Itzt will ich mit der hülffe Gottes
anzeigen/das/wenn schon Petrus das heupt ge
wesen were/so solte doch der Bapst deshalbē ni
cht auch das heupt sein/ Welches ich auch wil
beweren mit etlichen argumenten.

Das erst/wenn ja irgend ein lob vnd preroga
tium dem Petro Matthæi am .xviij. gegeben were/so
were dasselbige geschehen vmb seines Herrlichen
glaubens vnd bekentnis willen /so er alda ge
than hat/Was gehet aber das den Gotlosen vnd
vnfletigen Bapst an? Ich sehe furwar nicht /
was doch das fur eine Dialectica sey/Vielleicht ist
Petrus zu Rom getöd/derhalbē soll ein verzweiff
leter

46
Peter böswicht / der daselbst seine Tyranny v
bet vnd alle vnzucht treibt / eben so viel sein / als
Petrus. Lieber wo her nemen die Papisten zeug
nis aus heiliger schrift / das die Ppste eben so
viel gelten sollen als Petrus?

Petry 2. fuit Ro
ma.

Das ander / Es ist noch nicht gewisse / dz Petrus
zu Rom gewesen ist / Den das die Papiste schreibē
das Petrus xxv Jar zu Rom gelehrt hat / so er
doch zu Jerusalem bey achtzehen Jarn geprediz
get hat / Item in Ponto ist er v. Jar gewesen / wie
etliche sagē / vñ zu Antiochien vij. Jar / dar zu auch
dieweil er zu Babiloniē seine epistel geschriebē hat /
ist solch vorgebē öffentlich erlogē. Den aus diesem
allen k̄nte man beweren / das er noch / nach des
Neronis todte gelebet hette / von welchem doch er
sol sein getödtet worden. Desselbigen gleichen ist
dieses auch wider einander / das die Papisten sa
gen / das Petrus am xviii. jare von Rom gen Je
rusalem zum Concilio gereiset sey / Vnd Paulus
schreibet zun Galat. am ij. Das einer dem andern
in die hand gelobt habe / vñ sich also mit einander
vertragē / das Petrus den Judē / Paulus aber den
Weiden predigen solte . Denn wenn Petrus zu
Rom bereit Bischoff gewesen were / warumb hette
er sich mit so ein heiligen Bunde dörffen verpflis
chten / das er allein der Juden lehrer sein wolte /
dieweil er doch wol wuste / das er zu Rom am als
lermeisten die Weiden bekeren müste?

Das dritte / aber wen es nu schō war were / dz er
zu Rom gelert hette / vnd die Succession an dem orte
gelten solte / warumb solte denn / der / so zu Jeru
salem

217
salem wonet/da Christus selbst geleret hat / nicht eben dasselbige ansehen haben / das Christus? oder warumb solte derselbige nicht ein successor Petri sein / dieweil es doch offenbar ist / das Petrus eine lange zeit zu Hierusalem geleret hat? Desgleichen / warumb solte der Patriarch zu Antiochien nicht alle gewalt Petri haben? so doch Petrus da lenger den VII. Jar gelert hat. Vnd auch darumb Antiochia von den alten / der Apostolische stuel genant wird. Desgleichen warumb nennet man keinen Bischoff in Ponto odder zu Babilonien seinen Successorn / dieweil er doch an den selbigen ortern auch geleret hat? Ich sehe furwar nicht / was das fur eine ursache sein mag / darumb der Papsst mehr sein successor sein soll / denn dieselbige Bischoffe vnd Patriarchen.

Das vierde / Es wird aber an keinem orte der schrift einerley vorzug oder lob den nachkommen Petri verheischen. Christus sagt wol / er habe fur Petrum gebeten / er spricht aber nicht / das er gebeten habe fur die Pepsste / auff das jr glaube nicht auff hore. Welcher Epicurisch leben klerlich vor der lieben Sonne vnd gantzen welt beweiset / das sie nichts weniger / denn Gott / das ewige leben / vnd die aufferstehung glauben. Gott gibt dem Moysi ein herrlich zeugn is das er getrew sey / im gantzen hause des Herrē / Sind aber seine nachkommen ihm gleich gewesen? odder haben sie auch gleicher weise die gesetze der heiligen dingē dem volcke furgetragen? Samuel vnd David sind treffliche menner / vnd werden in der schrift

C ij

mit

mit grossem lob von Gott gezieret / aber ire nachkommen sind ihnen in keinem wege gleich gewesen. Der Geist bleset / wo er will / Gott offenbaret die ding den hirten / fischern / dem Kleinen vnd verschmechten heufflein / die er den Wöhesten / vnd ördentlichē Priestern / vnd Regenten / Caiphe / Anne / vnd Pilato nicht offenbaret .

Das fünffte / die ersten veterhabē keinem Bischoffe die öberste gewalt geben wollen. Wie ich dasselbige droben aus dem Aphricanischen Synodo habe angezogen. Aus welchem klar erscheinet / das es eine newe lügen ist / das der Bapst nach Göttlichem recht / das heupt sein sol / Item das der Bapst / da er von dem Aphricanischen Synodo begerte / das mann sich ihm vnterwerffen solte / nicht das Göttliche recht / sondern allein das menschliche recht hat angezogen. Den fürwar / so er durch Göttlich recht die hohheit hetze vermeint zu vberkomen / so hette er ja dasselbige lieber denn das menschliche angezogen. Item die Nicænische Synodos hat verordēt / das der Römische Bischoff allein den kirchen / die zu der stat gehören / fürstehen soll / die andern aber / den andern kirchen. Hieronymus sagt / das alle Bischoffe nur einerley gewalt haben / besihe seine Epistel zum Euagrio. Item / Bapst Gregorius disputiert in seinem Register nach der lenge / das keiner ein Bischoff vber alle kirchen sein soll / vnd verdampft diesen tittel hefftig sehr / sagt / Er sey newnerrisch / hoffertig / bübisch / vnd Gottlos / vnd wer darcin williget / der thu nicht anders den das er den



19

er den glauben verleugnet/vnd spricht/ das diese
hat /so sich jemand vber die andern Bischoffe ers
heben wil/gantz gleich sey/des Teuffels that der
sich nicht hat wollen lassen genugen/ das er den
andern Engeln gleich were/vnd dieselbige gleich
nis handelt er gantz weitleufftig inn vielen Epi
steln. Er widerholet so offft/ das dasselbige dem
Euangelio vnd allen Canonibus entgegen sey. Er
leugnet auch/das seine vordahren/ odder andre
Bischoffe zu irgent einer zeit/solche gewalt ihnen
haben zu geeignet/vnd sagt/ das derjenige/ der
sich solches namens anmassen würde des Antis
christis vorleuffer sey. Augustinus im III. buch de
Baptismo/wider die Donatisten Cap/ III. zeucht
noch diese wort Cypriani mit an/ Es ist noch keis
ner vnter vns/ der sich zum Bischoffe /vber die
andern Bischoffe machet/ noch der Tyrannisch
en weise seine mitgesellen zwingt/das sie ihm mü
ssen gehorsam sein.

Aber vmb der kurtze willē/will ich nicht mehr
zeugnis aus den Vetern oder Concilijs mit einfü
ren/denn man kan aus diesen leichtlich verstehen/
das der Römische Bischoff/von alters her noch
nie so hoch inn seiner Tyranny gefessen ist/wie er
itzt mit grossen schaden der kirchen sitzet.

Das sechste/ Die kirche Christi ist weit vnd
breit / durch die Welt zur strewet / welche furwar
dem Papste nicht vnterworffen ist/ Ja ich zweis
ffle gar nichts / es sey die kirche noch wol an den
örtern / da man von dem verderb vnserer Lande/
dem Antichrist/gantz vnd gar nichts weis. Ja

E iij

die

VZU

die Griechischen/Asiatischen/ Ruffischen/ Moschouitischen/vnd andre Kirchen mehr/die da gar nahe sein/hören den Bapst noch heutiges tages nicht/Lieber/sind sie darumb nicht die Kirche Christi/das sie dem Bapste die füsse nicht küssen? Ich halte ja nicht/ das auch die Papistischen falschen Propheten so toll vnd vnuerschempt sein sollen/das sie solchs sagen dürffen.

Das siebende/ So nu Petrus bald hernach / als ihm gesagt ward/Du bist Petrus/da die Papiisten wollen/das er zum obersten gemacht sey/darumb / das er dem Herren Christo inn guter freundschaft etlich Gotlos ding riet/von ihm ein Sathan gescholten wird/wie viel mehr sollen die Bepste/So sie gleich die gewalt Petri erben könten/billich auffhören Petri zu sein/vnd fur Gott zu Teuffeln werden/weil sie nu lenger denn 1000. jar so grosse buben stücke begangen / vndso grenliche Abgötterey entweder erdacht / oder bestetigt haben/vnd darü ber die erkante der Christlichen Religion lauterkeit/vnd warheit /auff das hefftigste verfolgen?

Die Bepste habē sich furwar nun 1000 Jar her also gehalten/das/wen sie schon der oberste engel gewalt gehabt hetten/so weren sie doch vmb ihrer erschrecklichen abgötterey vnd Gotlosen wandels willen/wol in Teuffel verwandelt worden.

Got hat die priester/welche von ihm selber eingesetzt waren/verstossen/vnd auch sein aussertes volck/vmb der falschen lehr willen verworffen/wie solte er den die Pfaffen/welche/durch des Antichrists



21
Antichrists satzung auffgetomen / mit so schend-
lichen lastern besleckt / solcher grausamen abgöt-
terey stifter / vnd der himlischen warheit solche
grausame verfolger sein / für seine Kinder erken-
nen?

Die soltu alles her ziehen / damit man zu die-
ser zeit beweiset / das der Babst der rechte Antis-
christ sey. Welches vom Luther vnd andern geler-
ten mehr / nach der lenge ist angezeigt. Zum teyl
auch von mir / nemlich im büchlein von den
Scheinbarlich zeichen kürzlich begriffen ist. So
aber der Babst der Antichrist ist / so mus auch ja
daraus erfolgen / das er weder Christi Stathalter
sey / noch der Christlichen kirchen fürstehen sol /
das auch niemand ihm / one verhönung Gottes /
gehorsam sein kan.

Das acht. Zu dem / werden auch die Besten
nicht recht erwelet / vnd die Römer selbs können
nicht erhalten des Babstes gewalt. den das ich
schweige / das die elteste vnd gebreuchlichste ge-
wonheit gewesen ist / welcher auch in der Aposteln
geschichten am 9. Capittel gedacht wird / das die
andere Bischoffe / vnd auch der Römische vom
volck vnd Priesterschaft mit gemeiner wale erwe-
let werden / muste er auch vom Keyser bestetiget
werden / welches allsamt jtz abgethan vnd
verändert ist / vnd nur die Cardinele allein erwele /
welchen sie wollen. So erinnere ich dich nu des /
das da ist distinctione 27. Capi. siquis / da die Ca-
nones also sagē. So aber ein Babst erwelet wird
vmb geldes willen / oder aus menschlicher gunst /
derselbige sol nicht für einen Apostolischen / son-
der

bern fur apostatſchen/das iſt vor ein abtrunnigen ge-
halten werden.

Es iſt aber kundt aus den Historien/ vnd
des gantzen Römischen hoffes ſitten/ das eine
gar lange zeit her/die Beſte vmb ihrer geſchick-
lichkeit/frömmigkeit/vnd Gottſeligkeit willen nicht
ſein erwelet worden/ ſonder entweder durch ge-
ſchenck vnd menſchliche gunſt / oder durch be-
trug/oder auch durch gewalt/das auch von vie-
len Antichriſten eine lange zeit her billich mag ge-
ſagt werden/ Wie man von einem Babſt ſagt/
Er iſt eingeglichen wie ein fuchs / hat regiert
wie ein wolff/iſt geſtorben wie ein hundt. Es iſt
gantz gewis/das zu dieſer zeit/etliche monarch-
en/viel thunnen goldes gen Rom geſchickt habē/
damit die Cardinel zu bewegen/das man einen/
an ihre ſeite zum Babſt erwele/Darumb ſo ſein
die Römischen wolffe itzundt noch /vnd ſein ein
lange zeit her / nicht Römische Biſchoffe / viel
weniger Petri/ ſonder nach dem Canon lautter
abtrunnige/vnd Antichriſten gewefen.

Bisher habe ich durch Chriſtus hülffe be-
weiſet/ Das Petrus nicht habe die oberſte gewalt
gehabt vber die andern Apoſteln vnd andere Kir-
chen. Vnd das/wen ſchon Petrus dieſelbige ge-
habt hette/dennoch nicht derhalben daraus er-
folgete/das ſie des Babſt auch hat.

Das dritte teil.

In dem folgenden teil / wil ich auff etliche
weiſe beweren/das es nicht nütze ſey/das ein
menſch



23.
mensch allein der allgemeinen Kirchen soll vor-
gesetzt werden/wenn er schon from were.

zum ersten/denn die Kirche/wie es offenbar ist/
ist durch die gantze welt zurstrewet/nach dem wort
ihr laut ist ausgegangen bis an der welt ende. Es
ist aber vnmüglich/das ein mensch (wen er gleich
mehr gabē hette denn Petrus vñ Paulus) die sachen
en/zencē/zweyspalt/trennung/vnd Ketzereyen/die
in allen örtern der gantzen welt sich zutragen/ver-
hören kan. Lieber wie bald werden nur die brieffe
aus dem eusersten India gen Rom gebracht/vnd
daselbst hin widderumb ein antwort/durch so fer-
nen weg beide zu wasser vnd lande/vnd durch so
mancherley gefehrlichkeit des wassers/vngewitters/
der wilden Thiere vñ reuber? Es were im auch vn-
müglich/eine solche last der mannigfaltigen vnd
grossen geschefte zu vrteilen / Itē es were vnmüg-
lich dieselbigen allesampt zu volfürē. Es ist gantz
vnmüglich/das nur brieffe zu bequemer zeit / aus
allen örtern der gantzen welt/sollē gebracht wer-
den. vnd eben dieselbige beschwernus were auch
im widderschreibē/oder die antwort zu vbersendē.

Der Babst hat noch nicht so ein gar gros teil
der welt geregieret/vnd doch wie viel sachen sein
gantz vngescheidē bliebē?oder ja nicht recht geschei-
den? allein vmb der vrsach willen / das entweder
das eine teil vmb armut oder ander vrsachen wil-
len dem andern bis gen Rom nicht hat können
folgē/oder auch das mann nicht hat können ha-
ben ein rechtschaffen erkentnis der vmbstende des
handels/aus so fernen örtern/an welchen die vr-
sach des zancēes sich hat erhobē. **D** Die

Die veter vermanen recht im text des angezog-
nen Concilij/ das die zeugen / welche erscheinen
müssen/wenn man die sache anders recht verhöre
sol/aus so fernen örtern bis gen Rom/vmb man
cherley vrsach willen / nicht können gebracht
werden.

zu dem/wen gleich die weite keine beschwernis
brechte / so könnte doch ein mensch allein solcher
menge so grosser geschefte nicht raten/ wenn wir
den Papisten gleich das nachgeben/das alles das
jenige/was der Bapst vrteilt/ sey gantz vnd gar
des D. Geistes selbs vrteil. Darumb auch noch
heutiges tages die Bepste nur in wollüsten leben /
vnd den fromen Curthisanen die geschafft be-
felen. Welche (wie der vnaussprechliche schade
geleret hat/vnd noch leret) allein dahin sehen/wie
sie nur auff's meiste zu sich reissen/ vnd die gan-
tze welt aussaugen vnd schinden mögen.

Zum andern/Denn es ist vnmöglich / das ein
mensch/der auch gantz Gottfürchtig ist / in so
grosser gewalt vnd reichthumb / nicht verterbe /
vnd frech vnd hoffertig werde/welches die exem-
pel Davids / der da ein mensch war/nach dem
hertzen Gottes/Item Salomonis/ der geliebten
Gottes/vnd weisesten vnter allen menschen/ an-
zeigen. Darumb auch Salomon Gotte bittet/Er
wolle ihn doch nicht zu reich machē/vnd spricht/
auff das ich nicht satt werde/vnd von dir abfal-
le/vnd spreche/wer ist der Herre? Vnd sonderlich/
vmb dieser vrsachen willen/ hat Gott nicht habē
wollen / das auch die weltlichen regenten seines
volck's



25
volcks ihre reichthümer vnd gewalt mehreten /
wie er an viel örtern gebent / das sie nicht sollen
inne haben / eine grosse menge der rosse/wagen/
vnd gelt etc.

Es ist aber nicht von nöten/das wir erraten/
das als denn die Bepste erst hetten mögen stoltz
werden / wenn sie von Gott selbs vber die gantze
welt gesetzt weren / Denn sie haben dasselbige ge-
waltiglich / wie es die Erfahrung leider alzu viel
gibt/mit der that beweiset/ dieweil sie doch zwar
nur ein teil der welt vnter ihrer gewalt hattē. Denn
zum ersten/als sie sahen/ das sie der Könige vnd
völcker heiligkeit/ odder viel mehr aberglauben /
misbrauchen vnd dadurch zunemen konten/ ha-
ben sie solchs zusuchen angefangen mit bösen
künsten/als da sein vnbilliche Decret/Gotlose In-
dulgentien / mancherley Gottesdienst der gebeine
vnd Kleider der heiligen. Item mancherley donatio-
nes der titel vnd priuilegien.

Darnach da sie sahen / das dasselbige fur
sich gieng/sind sie so hoffertig vnd mechtig wor-
den/das sie auch einen iglichen König/der ih-
nen(auch in billichen sachen widderstrebte)in den
Bann theten/vnd ihre vnterthanen / durch die
Absolution des Eides/ihnen widderspenstig
machtē/vnd haben sich auch dürffen vntersehen
widder dieselbigen Krieg zu erregen / vnd haben
auff diese weis in allen lendern einheimischen
Krieg erwecket / vnd also mit der Christen blut
die gantze welt beslecket.

Zu letzt aber ist ihre hoffart so weit kommen /

D ij das

26
das sie auch Christus befehl vnd einsetzung ver-
nichtigt haben/vnd haben die Könige vnd Key-
ser gezwungen ihnen zu hulden/vnd ihnen durch
vnerhörte hoffart die füsse zu küssen/ Ja sie ha-
ben sich auch vnterstanden derselbigen helse mit
füssen zu treten.

Wir sehen jtz für augen/das die Bepste die
sorge für die lehre der Religion faren lassen/vnd
haben nur auff weltliche ding acht/ vnd gehen
auch allein mit den dingen vmb/ die ihr gut / ges-
walt vnd würde/mehren können.

Derhalben/die weil vnmüglich ist/ das ein
mensch/der in so eine grosse gewalt gekommen ist/
nemlich / das er gewalt hatt beyderley schwerter
durch die gantze welt/nicht hoffertig / vnd zum
schalcke werde / so were es doch der Christ-
lichen Religion nicht nütze/ das ein mensche der
Kirchē vber die gantze welt solte Vorgesetzt werde.

III Denn Christus wil die Kirche selbs regierē /
er wil bey vns sein bis an der welt ende/vnd wil
sich zu denen nahen/die ihn anruffen/er verlesset
vns Weyslosen nicht/ er gibt vns satzungē/wel-
che vns / wie der Psalm zeuget/an stadt der rath-
geber sind/er sendet auch den heiligen Geist inn die
hertzen der seinen/der ihr prediger ist / vnd in der
Kirchen warhafftiger stadthalter Christi. Der sel-
bige lehret auch alle zu gleich/vnd einen jeden inn
sonderheit/er tröstet/ er scufftzet für sie bey Gott
vnd er vnterweist sie gantzlichen zu allen guten
wercken/ vnd aller warheit/furnemlichen aber
zum gebet. Denn er schreiet in der gleybigē hertze
zu Gott/Abba lieber Vater.

Es

127
III Es möchte mir aber jemand furwerffen/
es mus aber die kirch auch hie auff erdē ein sicht-
bar heupt habē/wiewol Christus doch auch bey
ihr ist/ vn sichtbarlicher weise. Ich antworthe ihm
darauff/das nicht von nöten sey/ denn Christus
ist eben so woll bey seiner kirchen vn sichtbarlich /
gleich als were er sichtbarlicher weise bey ihr / denn
er saget/das vns gewis zu/ wo zwey odder drey
in seinem namen werden zusamen komen/da wil
er mitten vnter ihnen sein/vnd alles was sie bitten
werden/das will er ihnen geben.

Wir lesen in der heiligen schrift /das es Gotte
gantz vbel verdrossen hat / da das volck Israhel
ihnen einen König machte/denn er spricht/das
sie ihn verworffen haben / das er nicht vber sie
ein Here were/vnd es war auch die warheit. Denn
do sie ihre sichtbarliche Könige / ihren gewalt
vnd weisheit ansahen/vergassen sie des Allmech-
tigen Gottes/eben also ist es auch vns widderfa-
ren im Papstumb/denn do wir das vnnütze ge-
prenge vnd schein/vnd die heilosen Bullen/ In-
dulgentien/ vnd so mannigfaltige heiligkeit des
vergulden Papstes ansahen/vergassen wir leicht-
lich der armē/vnd abwesendes (wie wir dazumall
meineten) Christi/ wir haben furwar viel mehr
die vergebung der sünde vnd das Himmelreich /
beim Papst/denn bey Christo gesucht.

V Denn Gott regiert seine kirche viel auff eine
ander weise/ denn die weltlichen regiment gere-
giert werden/denn er regiret nicht dieselbige durch
menschliche weisheit/ sonder durch sein Wort /

D iij

vnd

vnd D. geist/welcher da wehet wo er hin wil. Got
 lest gemeinlich die geistlichen vnd regenten / wels
 che da ein gros ansehen haben / sitzen / vnd erweck
 et etliche fischer / hirten / oder sonst schlechte leute /
 als die Aposteln / Moysen / Amos / Dauidem / Vnd
 erhebet also aus dem staube etliche armen / welche
 er mit seinen gaben vnd geist zieret / redet durch ih
 ren mund / vnterweiset die Gotfürchtigen / confus
 tirt die Gottlosen / vnd schlecht sie zubodem / vnd
 vertilget er also die Gottlose lehr vnd aberglaubē /
 zündet an das liecht des Euangelij / vnd richtet
 widerumb die kirche an.

Solche treffliche menner / mit so grossen gas
 ben gezieret / sein in der kirchen als Bischoffe vber
 die andern diener / welche auch etliche Gotfürch
 tige leute gerne hören / vnd sich ihnen vnterthenig
 machen / nicht darumb / das sie in einem höhern
 grad sein / sondern darumb / das ein jederman ver
 stehet / das sie von Gott mit grössern gaben gezi
 ret sein / vnd mercken das der geist des Vaters
 durch ihren mund redet / welchem alle frumme
 hertzen / in der furcht Gottes gerne weichen.

Solche Bepste (das ich sie also nenne sein
 stets in der kirchen / vnd sein solche auch in vorzei
 ten gewesen / nicht allein menner von den gering
 sten / sonder auch frawen zu Prophetinnen ge
 worden / also sein gewesen vnter den Aposteln Ja
 cobus / Joannes vnd Petrus / welche Paulus seu
 len nennet / Fürnemlich aber Sanct Paulus / der
 da ein aufferweltes vass Gottes ist / der mehr den
 alle andere geerbeitet hat. Ein solcher ist auch ge
 wesen



29

wesen Augustinus / Athanasius / vnd zu vnser zeit D. Luther / vnd andere geleerte vnd Gottsfürchtige menner mehr. Vnd solche leute sein fürwar allezeit nicht allein in der gantzen kirche / sonder auch in einer jeden kirche / etliche / als die augen vnd heupter am leibe / etliche aber als die hende vnd füsse / nicht nach der menschen willē / sonder darumb das Gott seine kirche mit so macherley gaben vnterscheidet vnd zieret.

Aber die grossen sollen gleichwol diese Regel für sich nemen / das sie / so einem geringen etwas geoffenbaret würde / als denn schweigen sollen.

Derhalben so ist nicht von nöten / nicht nütze / vnd darzu der Gottseligkeit nicht gemess / das eine oberste person sey / die da alle kirchen Christi / so weit vnd breit von einander gelegen / soll regieren / vñ darüber auch das weltliche regiment ihr zueignen.

Bishier habe ich mit Christus hülffe / die drey stücke / so ich drobē für mich genomē habe / beweret / vnter welchen das erste ist / das Petrus nicht ist das heubt gewesen / vnd das ihm auch nicht befohlen ist / das er vber die andern herschē sollte / viel weniger aber / hat er beiderley schwert vber die gantze weite vnd breite welt empfangen. Das ander / das / wenn gleich Petrus solche gewalt gehabt hette / wie die Papisten liegen / so hette doch derhalben dieselbige der Babst nicht.

Das letzte / das weder von nöten noch nütze / auch nicht Göttlich sey / das ein mensch allein soll der gantzen kirche fürgesetzt sein / noch viel weniger

30
ger soll ihm beiderley gewalt vber die gantze welt
vbergeben werden.

Welches dieweil es gantz warhafftiglich vnd
bestendiglich / nicht allein von mir / sonder viel
mehr von dem Ehrwürdigen Vater D. M. Lu-
ther beweiset ist / sollen alle die jenigen / so Christū
lieb haben / von gantzem hertzen auffnehmen / vnd
des Antichrists streitige lügen fliehen / vnd verflū-
chen. Aber vnter allen Argumenten / sol vns dis
das beste sein / welches auff das warhafftigste
vnd aller Klerlichste zu dieser zeit beweiset ist / das
der Papst leret vnd vertediget Gottlose lere / vnd
das er der ware Antichrist / vnd Babilonische hu-
re / die da auff dem thiere rei tsey / wie er in der off-
enbarung Joannis abgemalet ist.

Derhalben so sollen nu alle Christen / die den
Herren sehen / vnd bey dem Lemlein Gottes im
Himmelreich sein wollen / Jungfrawen bleiben /
vnd sollen sich stets hüten / das sie nicht beflecket
werden mit dieser verfluchten huren / welcher sün-
de jtz schon bis an den Himmel gestiegen ist / Auff
das sie auch ihrer plage nicht teilhafftig werden /
vnd mit ihr vnd dem thier in das Dellische feu-
er geworffen werden.

Wir haben hie auch eine vnser Re-
gel hinzu gesetzt / aus welcher viel örter von den
Papisten wider vns felschlich angezogen /
können auffgelöset werden.

Die Vnincialis oder (so zu redē) ein weitläuffti-
ger spruch strecket sich offte bey den Hebraern
weis

weiter / denn die eigenschafft der gegenwertigen matery erfordert / Derhalben ist von nöten / das man dieselbige enger spanne / vnd zu dem gegenwertigen handel appliciere. im erstē buch Samuelis am xx. Capitel stehet also / Vnd Saul hat an dem tage nichts geredt / nemlichen vom abwesen des Davids. an dem selbigen orte / Vnd der Knabe wuste gar nichts / nemlich von dem gegenwertigen handel. Item im ersten buch Samuelis am xxv. Cap. Vnd es ist nichts vmbgekommen von allem das er hatte / nemlich von den schafften die da waren bey David / vmb Davids willen. im II. buch Samuelis am xv. Cap. Vnd sie haben gar nichts darumb gewust / das ist / von den dingen die Absolon widder seinen Vater im sinne hatte. Im ersten buch der König am xij. capitel / Vnd gantz Israel steinigte ihn / nemlich die da waren / da dasselbige geschach.

Diese vnd dergleichen Exempel so man alenthalben in der schrifte findet / mus man darumb wol mercken / auff das wir in den nachgehenden sprüchen widder die Papisten nicht allein die meinunge / sonder auch die wort habē. Matth. am xvj. Alles was ihr auff erden binden werdet / das soll auch im himel gebunden sein / vnd alles was ihr auff erden auflösen werdet / das soll auch im himel los sein. Item Johannis am xx. Welchen ihr die sünde vergeben werdet / den sollen sie vergeben sein / vnd welchen ihr sie behalten werdet / den sollen sie behalten sein. Nemlich wenn ihr also thut / wie ich euch befohlen habe /

¶

velt
nd
iel
u=
stü
nd
u=
is
ste
as
nd
u=
ff=
en
im
n /
ket
in=
ff
n/
wr
2s
en
fti
rn
eis

132
Habe / vnd nach meiner lehr / das Euangelium
predigen etc. Matthej 25. Cap. Es werden auff
Moyses stul sitzen die schriftgelerten vnd Phari-
seer / darumb so solt ihr alle das jenige / so sie euch
halten heissen werden / halten vnd thun / nem-
lich / das dem stul Moisis zugehöret / vnd nicht
aus der Phariseeer saurteige hinzu gekommen ist /
den für dem selbigen soll man sich auff das vleis-
sigste hüten. Marci am ix. Cap. alle ding sind dem
glaubigen möglich / Johan. am xiiij. Alles was
ihr bitten werdet in meinem namen / nemlich das
euch gebüret / vnd nach seinem willen geschicht /
wie ers an einem andern orte / selbs erkleret. Zun
Philippem am iij. Cap. Ich kan alles in dem der
mich stercket. in der ersten Epistel zun Corinth. am
xiiij. die liebe gienbet alles / hoffet alles / dul-
det alles / nemlich / so zu glauben / zu
hoffen vnd zu dulden ist.

Ein stück aus einer schrift vor hundert Jahren widder den Papsst geschrieben.

Aus diesem vorgesagten / kan man leichtlich
schliessen / Was vor ein vntterscheid / zwis-
schen Christo vnd dem Papsste sey.

Christus hat das weltliche Königreich abge-
schlagē / Der Papsst aber stehet mit allen krefften
darnach.

Christus / da man ihn zum Könige hat ma-
chen

chen wollen/ ist er weg geflohen/ Aber der Pappst
wil König sein/ vnd herschen widder der gantzen
welt willen.

Christus spricht er sey nicht ein weltlicher richter
Aber der Pappst will vber Keiser vnd Könige
richter sein.

Christus vnterwirfft sich dem Statthalter des
Keisers/ nemlich Pilato/ Aber der Pappst erhebt
sich vber den Keiser/ Ja vber die gantze Welt.

Christus schalt die jenen/ so herschen wolten/
Aber der Pappst zancet sich mit der gantzen Kir-
chen vmb der hocheit willen.

Christus am Palmstage hat auffm Esel gerit-
ten/ Aber der Pappst ist nicht zu frieden mit den
prechtigen Reifigen / wenn ihm auch der Keiser
nicht die rechte staffel helt / Siehe die Historie A-
driani an des ersten Pappst.

Christus hat die Heide/ so zuuor vneinig wa-
ren in eine Kirche versamlet/ Aber der Pappst hat die
Dendschen/ so zuuorn sehr einig waren/ mit auff-
rhur vnd einheimischem Krieg/ durch die Bissch-
offe widder einander gehetzet.

Gedruckt zu Magdeburg/ bey
Christian Rödinger.

un-
uff-
ariz-
ich-
me-
cht-
ist/
eise-
em-
was-
was-
ht/
un-
der-
am-
ig-
nd-
ch-
wie-
gee-
en-
de-
en-



79 1745

(x 220 5419)

Faint, mostly illegible text in a Gothic script, likely bleed-through from the reverse side of the page. The text is arranged in several paragraphs.

Geometrische ...
Christoph ...



10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100







14 38

5

Vg
1245

idder die vermein-

halt / und Primat des Bab-

dieser zeit / da die gantze welt sich beslei-
den ausgetriebenen Antichrist / wid-
derumb in den tempel Christi zu se-
tzen / nützlich zu lesen.

Durch

Datth. Flacium Illyr.

2. Thessa. 2.

er tag des HErrn kömpt nicht / es sey denn das zu-
abfall kome / vnd offenbaret werde der mensch-
en vñ das kind des verterbens / der da ist ein wid-
ger / vnd sich vberhebet vber alles das Gott / oder
ienst heisset / Also / das er sitzt im den Tempel Got-
in Gott / vnd gibt sich für / er sey Gott. Wel-
HErr vmbbringen wird / mit dem Geist seines
vnd wird sein ein ende machen / durch die erschei-
er zukunfft / des / welches zukunfft geschicht nach
Pung des Satans / mit allerley lügenhafftigen
vnd zeichen vnd wundern / vnd mit allerley verfüh-
vngerechtigkeit / vnter denen / die verlorē / werden /
as sie die liebe zur warheit nicht haben angeno-
sie selig werdē / Darumb wird ihnen Gott kreff-
im senden / das sie glauben der lügen / auff das
htet werden alle / die der warheit nicht glau-
/ sonder haben lust an der vngerechtigkeit.

BIBLIOTHECA
PONICKAVIANA

UNIVERSITÄTS-BIBLIOTHEK
HALLE
(GALLE)

